

**Mundo ta despidi di Papa
Francisco, e prome Latino
Americano den dirigi
Iglesia Catolico**

ORANJESTAD (AAN): Papa Francisco, cu number real Jorge Mario Bergoglio, a fayece dialuna na edad di 88 aña, menos di un dia despues di su ultimo mensahe riba diadomingo di Pasco di Resurreccion. Naci na Argentina, el a bira na 2013 e prome Papa Latino Americano despues di e renuncia di Benedicto XVI. Su bida a keda marca pa humildad y entrega.

E camarlengo, cardenal Kevin Farrell, a confirma su fayecimento y lo dirigi e transicion pa e eleccion di un Papa nobo den e proximo conclave. Motibonan oficial di su morto ta un ictus cerebral y un colapse cardiovascular.

Francisco lo wordo dera na Basilica di Santa Maria Mayor, segun su deseo personal, den un caha di morto di palo simpel, diferente-mente di tradicion papal. Mundo lo por dun'e un ultimo ayo na su curpa cu lo wordo traslada diaranson.

Riba Potret Papa Francisco den su ultimo aparicion publico, diadomingo di Pasco di Resurreccion, na e balcon di Basilica di San Pedro y tambe ora cu Papa Juan Pablo II a nombr'e cardenal na 2001.

Revolucion tecnologico di Siglo 21 a duna un contenido nobo na religion

**Sucesor di Papa
Francisco cu tarea
crucial den mundo
di cambio**

**Pasco Grandi 2025 a entrega exigencia lider nobo pa 1.4 Biyon Catolico*

Hopi a bay mira Caminda di Cruz Bibo

ORANJESTAD (AAN): Riba Diabierna Santo, un multitud di hende a aglomera riba e plenchi dilanti Misa Inmaculata Concepcion na Santa Cruz, pa asina observa e dramatizacion di e sufrimento di Hesus Cristo, cu e Caminda di Cruz Bibo, un biaha mas a luci cu tur detaye y presentacion.

Pastoor Jairo di Santa Cruz mes a keda contento cu asina hopi hende a bin sigui e storia di e sacrificio di Cristo pa nos tur. E ta spera cu e mensahe cu esa-



ki ta trece, ta pa yuda mas hende sigui e caminda spiritual pa bay dilanti, y aki a mostra especificamente riba e generacion nobo.

Mas di e Caminda di Cruz Bibo aki den DIARIO di awe.

Hues ta duna abogado mr. Canwood razon cu e sospechoso a actua den defensa propio

Homber declara liber di a mata Corniel Tejada den Dakota

ORANJESTAD (AAN): Gregory Junior Zuleta Rave di 22 aña, sospecha di a mata Corniel Tejada riba 3 Juli 2024 den un cas den Pindastraat, a worde declara liber. Hues ta haya cu Junior a actua den defensa propio ora cu Corniel Tejada a bay riba dje cu cuchiu.

Fiscal a exige 9 aña di prison: Ta asina cu dia 14 di Maart 2025, dia di tratamento di e caso den Corte di Husticia, den su requisitorio Fiscal a bisa cu e ta haya Junior culpabel di a mata Corniel Tejada. Debi na esey, Fiscal a exige castigo di 9 aña di prison.

Hues a evalua e caso: Diabierna mainta, Junior y su abogado mr. Canwood a presenta den Corte pa scucha e sentencia.

Hues a bisa den su sentencia cu tin hopi a sosode y 1 April 2025, el

a ordena pa laga Junior liber. Hues a bisa cu ta di lamenta cu Tejada a muri. Hues den su evaluacion di e caso a bisa cu ta sospecha Junior di a mata Tejada door di dal'e cu algo na su cabez. Hues a bisa cu el a studia e procesverbaal di Polis cu ta muestra cu dia 3 Juli 2024 Polis a bay na Pindastraat pa un pelea. E agentenan di Polis a yega na e cas y a mira Tejada drumi abao for di tino y hendenan tabata scop cosnan cu tabata benta abao, un banda. E momento ey Junior a bay cerca e agentenan di Polis y a bisa: "mi a dal e cu un pia di stoel pasobra el a saca un cuchiu pa mi".

Fractura di craneo: Den e autopsia practica riba e victima, Patologo a constata cu door di sla cu un obheto duro na cabez, a fractura e craneo cu a

causa morto di Tejada.

A actua den defensa propio: Hues a bisa cu for di declaracion di testimonan por conclui cu 3 Juli 2024, Tejada a bay na cas di Junior y tabata hopi agresivo y tabata grita. El a drenta cas di Junior. A surgi discusion entre Junior y Tejada. Junior tabata kier pa Tejada bay for di e cas, pero Tejada a bay den cushina di e cas y a coy un cuchiu grandi. Tejada a bay cu e cuchiu riba Junior, kende a tira un stoel riba Tejada y un pia di e stoel a kibra.

Tejada a bay for di e cas y a bolbe cu e cuchiu den man y a bay atrobe riba Junior cu tabata para na entrada di e cas. E ora ey Junior a coy e pia di stoel cu a kibra y dal Tejada den cabez y Tejada a cay abao.

Na opinion di Hues, a base di e procesverbaal



y declaracion di testimonan cu ta cuadra cu loke ta para den e procesverbaal, Hues ta conclui cu Junior a dal Tejada cu pia di stoel na e parti robez di Tejada su cabez. Esaki a causa fractura na craneo.


No culpabel di asesinato: Hues a bisa cu e ta comparti punto di bista di tanto Fiscal como abogado mr. Canwood, cu no por papia di asesinato. Hues a bisa cu e no ta comparti opinion di Fiscal cu Junior a mata. Hues ta haya cu Junior no a tuma e riesgo cu door di dal Tejada, e lo mat'e. Hues ta haya cu Junior a causa maltrato severo cu a causa morto.

Pero, e abogado mr. Canwood a muestra riba

actua den defensa propio. Hues ta haya cu Tejada a bay riba Junior cu cuchiu y anterior a hacie caba. Polis a haya e cuchiu aki na e cas tambe. Hues ta haya cu Junior tabata den un situacion cu e mester e defende su mes. Hues a bisa cu e no ta haya cu Junior tabatin chens di por a core bay.

Na opinion di Hues, e defensa door di dal un biaha so na cabez, tabata necesario pero no tabata exagera. Tur esaki ta trece cune cu Hues ta honra e peticion di defensa propio. Hues no ta haya Junior culpabel y a declar'e liber di a haci un hecho castigabel. Hues a rechaza e demanda di daño di parti di famia di Tejada.

Biblioteca a ricibi buki di autora Ange Jessurun



ORANJESTAD (AAN): Sra. Ange Jessurun, autora di Corsou, a trece diferente ehemplar di su publicacion 'Faya lobi: 200 aña amor ferviente den diaspora' Aruba.

Esaki specialmente pa e coleccion di biblioteca. Ademas biblioteca a haya e traduccion na Hulandes tambe regalo. E version na Hulandes su titulo ta: 'Faya Lobi: 200 jaar vurige liefde in de diaspora'.

Sra. Jessurun a presenta su buki 'Faya lobi' na Papiamentu y alabes a duna un charla tocante Papiamentu y su raiz di Islanan Cabo Verde. Esaki a tuma lugar na Biblioteca Nacional Aruba siman pasa.

Compania di Construcccion ta busca:

- 1 Certified Heavy Equipment Operator
- 1 Certified Crane Operator

Disponibel pa cuminsa di biaha, **mester ta certifica**, cu experiencia y permiso pa traha.

Ta ofrece contracto vast

PA INFORMACION

Please pasa na nos oficina na Frankrijkstraat 9, Oranjestad, pa trese un CV, of por manda un email na info@caribbeantownaruba.com, of por jama na 586 7300

Revolucion tecnologico di Siglo 21 a duna un contenido nobo na religion

Sucesor di Papa Francisco cu tarea crucial den mundo di cambio

**Pasco Grandi 2025 a entrega exigencia lider nobo pa 1.4 Biyon Catolico*

**Nucleo moral di grupo mundial creciente cu demanda firme pa religion*

ORANJESTAD (AAN)

— Pasco Grandi den e ciclo di observacion spiritual di religion Catolico Romano, ta hunga un papel sumamente importante. Ta den e hecho cu Cristo a vence morto, e punto central di religion Catolico mester wordo busca.

Mas cu Dos Mil aña pasa, Iglesia Catolico a nace den filosofia cu hende ta sigui biba aunke nan no ta visibel mas a base di Resurreccion di Cristo, cu e grupo di Apostelnan mester a anuncia na henter mundo durante resto di historia humano cu lo drenta un epoca nobo cu regreso di Cristo y regreso di hende na e mundo perfecto cu originalmente a wordo crea.

Filosofia Cristian a conkista mundo y cifranan ta indica cu e cifra mundial di Cristiannan ta sigui crece y den e totalidad aki e cifra di Catoliconan cu segun metodonan moderno di research a conoce crecemento di 1.15 porciento entre 2022 y 2023.

Esaki ta nifica cu Iglesia Catolico na e momentonan aki mester di un lider nobo pa guia un grupo creciente rond mundo, pero cu profilacion diferente.

Un investigacion cu a wordo haci acerca di religion y e comunidad Cristian mundial, na e momentonan aki sigur ta hunga un papel importante den liderazgo di Iglesia Catolico, cu durante Siglonan 2020 y 2021, a conoce desaroyonan sumamente importante den un mundo di cambio den cual conocimiento

humano a cuminsa duna muestra di por influencia religiosidad.

Con den un situacion mundial di cambionan grandi, un Iglesia cu ta tene na principionan cu a nace 2025 aña pasa ora e Apostelnan a haya e encargo pa plama Iglesia rond mundo, por mantene su mes?

Si awe cifranan ta guia e base necesario pa comprende e papel di un Papa nobo pa reemplaza Papa Francisco, ta pasobra Iglesoa Catolico mester a adapta su mes na e cambionan científico y den esaki pues uza metodonan moderno pa por atende cu e encargo di un Iglesia, cu pa ser Iglesia mester ta parti directo di un comunidad pa realmente por sirbi como poder y forza di e grupo spiritual cu e mester duna guia.

Mundo lo conoce un Papa, un dirigente nobo di tur miembro di religion Catolico, cu den cifranan ta haya expresion pa duna testimonio di con den diferente culturanan y asina costumernan, Iglesia Catolico mester hiba e mensahe di Fe pero tambe atende cu e base di “loke ta bon y loke ta malo”, cu ta e base moral di un comunidad mundial den temponan di cambio asina importante.

Papa Francisco a tuma encargo di dirigente mundial di Catoliconan despues cu mundo a conoce lidernan mundial Catolico sumamente fuerte na momento di por ehempel avance Comunista cu ta enemigo di religion, cu Comunismo



ta considera opium pa Pueblo.

Durante Siglo 20, Iglesia Catolico prome cu Comunismo a conoce e temporada di cambio.

Papa Pius XI (11), kende a dirigi Iglesia Catolico entre 1922 y 1939, a firma cu Italia e acuerdo cu a comberti Vaticano den un Estado Soberano, loke a duna e centro di Catolicismo un identidad soberano.

Tabata su sucesor Papa Pius XII, cu a introduci e dogma di infalibilidad Papal, cu ta nifica cu Papa no ta faya den su trabou religioso.

Cambionan grandi a wordo introduci cu e Segundo Concilio Vaticano, cu a wordo habri pa Papa Juan, kende tabata sumamente popular.

Tabata Papa Pablo VI (6) cu como prome Papa a biaha pa Estados Unidos y a conclui Segundo Concilio Vaticano, cu a introduci cambionan grandi den Iglesia y a hiba Pueblo mas cerca di

e realidad di celebracion di Iglesia.

Papa Juan Pablo 1 no tabata tin bida largo y a wordo sigui pa Papa Juan Pablo II, e Polaco cu a trece un epoca di renacimiento den Iglesia, haciendo uzo di viahenan y oportunidadnan nobo cu inventonan mundial tabata introduci.

El a habri sin duda e caminda pa Vaticano a conoce un cambio grandi y a bira realmente e Iglesia den cual e feligres a haya un participacion enorme te awe.

Papa Benedicto, su seguidor a bira e prome Papa pa retira y a keda Papa Emiratus na momento cu Papa Francisco como prome Papa di America Latino, a asumi su encargo como dirigente di religion Catolico Romano na Maart 2013. Retonan grandi mester a wordo atende dor di Papa Francisco sigur den e mundo di adelanto científico, cu a trece hende mas cerca otro pero

a presenta situacionnan nobo di un comunidad mundial nobo, sigur riba tereno moral.

Papa Francisco a sabi di mantene Iglesia hunto dor di e respet cu el a duna y exige pa hende como ser humano y creacion di Dios.

Esaki a bira e reto awor den e temporada di culminacion di Era di Inteligencia Artificial sigur, den cual e dignidad directo y derechonan humano ta bira central.

Papa Francisco a carga mundo den un epoca den cual moralidad a bira mucho mas cu un palabra skirbi y den cual e ser humano mester a bolbe ocupa su lugar central.

El a laga un encargo nobo pa su sucesor pa sigui dilanti den un mundo di cambio despues cu e mes a bandona mundo riba e fiesta di Pasco Grandi, fiesta cu a marca inicio di Iglesia Catolico, despues di a duna mundo su bendicion.

Cambio politico na Hulanda a keda hancra den su decision

E salida di Pieter Omtzigt di politica Hulandes

**Su decision di no bira Prome Ministro a habri porta pa Wilders*

ORANJESTAD (AAN) — Cu eleccion 2023 na Hulanda lo a trece cambionan grandi, tabata un realidad pa cual DIARIO a prepara Aruba.

Un persona cu a bira central den e cambionan politico Hulandes, tabata Pieter Omtzigt, cu na 2021 a rementa mundo politico Hulandes cu e asina yama toeslagen affaire.

Tabata trata di un problema serio na Hulanda, caminda mayornan a wordo falsamente acusa dor di Estado Hulandes cu compensacionnan cu nan a ricibi y pa cual in-hustamente nan a wordo persigui.

Den e situacion aki e persona di Pieter Omtzigt a bini dilanti sigur ora el a anuncia cu e ta bandona e partido Cristian Democrata CDA.

Kico su futuro politico sigur lo a encera a keda un misterio pa Reino ya cu pa hopi tempo e no kier a declara si e ta bini cu su propio partido, mientras e cantidad di

votador cu tabata duna sosten a sigui crece.

Na cierto momento DIARIO mes a splica Aruba cu e tabata tin potencial pa bira e figura politico nobo di Hulanda cu a duna prueba di kier cambio despues di Rutte y a conoce e partido nobo di Boer Burgerbeweging tambe.

Sinembargo, tabata tin tur indicacion cu Omtzigt lo por a bira e lider grandi pero su forma di atende realmente cu politica tambe den su contra.

Crucial a bira e momento cu ora el a alcanza su punto mas halto, el a anuncia cu si e gana e no ta bira Prome Ministro di Hulanda pa medio di su partido nobo Nieuw Sociaal Contract e mes lo no acepta posicion di Prome Ministro.

Esaki a cuminsa afecta su imagen den Pueblo Hulandes y tabata tin como resultado su caida den voto mientras Wilders a cuminsa habri caminda pa victoria aplastante cu



a sorprende Reino.

Awe Reino ta conoce e momento cu Omtzigt ta retira di politica, cu manera e mes ta bisa ta crea presionnan cu ta afecta su salud.

Su salida ta wordo considera un perdida pa politica Hulandes, ya cu su persona sigur a percura pa presenta necesidad di cambio den e forma cu for di 2010 Rutte a dirigi Hulanda.

Un tarea di sobrevivencia ta spera su partido Nieuw Sociaal Contract

awor despues cu e como e lider cu a ricibi tur sosten, a hala un banda.

Manera DIARIO a pronostica y continuamente ta informa Aruba, mundo politico den Reino mester wordo vigila pa asina comprende tambe e posicion di Hulanda y Gobierno di Reino enfrente Aruba, cu no por

bandona loke el a acorda cu Reino pa gobernacion total di e pais. Historia di Reino sin duda a keda marca pa e realidad di Omtzigt cu tabata wordo considera como candidato pa Prome Ministro di Hulanda y cargador di un revolucion politico den Reino pero awor ta bandona politica.

Diaranson tin reunion

Pueblo por yuda dicidi con ta gasta placa pa herencia di esclavitud na Aruba

ORANJESTAD (AAN): Ta conoci cu 'Plataforma Nacional Herencia di Esclavitud na Aruba' (PNHSA) ta atende e asunto di con ta atende asunto di historia di esclavitud.

Pesey PNHSA ta manda un invitacion na comunidad, pa acudi, pa asina reuni y expresa idea- y opinionnan balioso y duna input tocante subsidionan. E subsidionan aki a ser poni disponibel door di gobierno Hulandes pa haci diferente proyectonan pa e isla bunita di Aruba tocante e herencia di esclavitud transatlantico.

PNHSA ta un plataforma dedica na investigashon



(historico) di e pasado di esclavitud trans-atlantico, documentando, educando, conmemorando y celebrando e herencia di descendientenan Africano na Aruba.

Pesey mes e plataforma PNHSA ta organiza un encuentro cu comunidad. Esaki lo ta Diaranson 23 di April 2025 na Cas di Cultura for di 7:30 pm te cu 9:00 pm.

Comunidad di Aruba tin e oportunidad y influencia riba con e fondonan disponibel lo ser gasta y riba cua proyecto. E entrada ta bo sonrisa.



**TRABOU DI MANTENCION RIBA LIÑA
DI DISTRIBUCION SEROE BIENTO**
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 24 di april 2025
8:00 AM te cu 4:00 PM

Den vecindario di:

- Seroe Biento (un parti)


N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.


ELMAR



Awo cu 2 florin mas, bo por gana e **MEGA PLUS**
*** Afl. 350.000,-**
*** Afl. 250.000,- + Afl. 100.000,- extra**



HUNGA AWO



Benta ta sera 7:30 pm y sorteo ta hunga 7:45 pm

Campamento responsabel

Varios baki di sushi pa tene Aruba limpi durante Semana Santa



ORANJESTAD (AAN): Durante e siman di Semana Santa, un gran cantidad di ciudadano a sali pa campa rond di e isla, buscando recreacion den seno familiar y cu amigo. Esaki ta trece momento di alegria y reflexion, pero tambe ta representa un reto pa nos medio ambiente. Especialmente den e areanan popular di campamento, e acumulacion di desperdicio ta un preocupacion creciente.

Diahuebs 17 di april, Serlimar hunto cu Bureau City Inspector, riba iniciativa di Prome Minister Mike Eman, a tuma e pasonan pa yuda alivia e situacion di desperdicio na manera responsabel. Serlimar a instala un cantidad adicional di baki grandi, strategicamente posiciona den e



areanan cu mas concentracion di esnan campando.

Bakinan a wordo poni na: Baby Beach (2 baki), Surfside (1 baki), Bushiri beach (2 baki), Eagle (2 baki), Fisherman's Hut (1 baki), y Arashi Beach (1 baki).


Den un acto simbolico, Prome Minister Mike Eman a tira e prome saco di sushi den un di e bakinan grandi di Serlimar, enfatisando e importancia di limpieza colectivo y e rol di cada ciudadano den

cuida nos beachnan.

Serlimar y Bureau City Inspector pa algun aña ta reparti saconan di sushi na tur tent riba beach, pa motiva esnan campando pa deshaci di nan desperdicio na manera responsabel. Ademas Serlimar lo aumenta e frecuencia cu ta recoge e bakinan di sushi durante e periodo di campamento pa evita acumulacion y contaminacion di nos lama y beachnan.

Prome Minister ta urgi esnan

campando pa gosa, pero tambe pa cuida y ta pidi tur hende pa tene bista riba otro, specialmente riba e muchanan, pa evita situacionnan lamentable. Prome Minister Eman ta gradici Serlimar y Bureau City Inspector pa nan compromiso continuo den proteccion di nos medio ambiente y bienestar di comunidad. E esfuerso conhunto aki ta enfoca riba un meta comun: un Aruba mas limpi, mas sigur, y mas dushi.



Dos temblor registra den fin di siman largo pabao di Aruba

ORANJESTAD (AAN): Den fin di siman di Semana Santa aki, en total 2 temblor a keda registra riba lama parti West y tambe Noordwest di Aruba.

Temblor #1: Riba bispo di Pasco Grandi, esta Diasabra 19 di April 2025 pa exactamente 1:00 pm, un temblor a keda registra riba lama den parti West di Aruba. E epicentro a wordo localiza na 12.64° Nort, y 70.55° West. Esaki ta exactamente 54 km West di Arashi Beach na Aruba. E ta igual cu 58 km West-Noordwest di Wilhelmina Park na Playa. E ta igual cu 77 km West-Noordwest di Baby Beach na San Nicolas.

El a registra na un magnitud di 2.1° riba Scala di Richter, pues ta algo liviano. E tabata menos di 30 km bao di fondo di lama.

Temblor #2: Riba segundo Pasco Grandi, esta Dialuna 21 di April 2025 pa exactamente 12:15 am di marduga, un otro temblor a keda registra riba lama den parti Noordwest di Aruba. E epicentro a wordo localiza na 13.46° Nort, y 71.22° West. Esaki ta exactamente 157 km Noordwest di Faro di California na Aruba. E ta igual cu 166 km Noord-

west di Wilhelmina Park na Playa. E ta igual cu 186 km Noordwest di Baby Beach na San Nicolas. El a registra na un magnitud di 2.7° riba Scala di Richter, pues ta casi moderada. E epicentro no tabata hopi hundo bao suelo di lama. Ningun informe a drenta di daño registra di e dos Temblornan aki.



WE ARE HIRING!

AVAILABLE POSITION :

☒ **STEWARD**

Send us your CV & Motivation Letter

E-mail: restaurantetuties@gmail.com

Cell: 567-6479 or 563-2067

Adress: Caya Betico Croes #49 local 3



Ministro Wever reuni cu DLVV Santa Rosa riba plan strategico pa seguridad alimenticio




ORANJESTAD (AAN): Minister di Finansa, Asunto Economico y Sector Primario, Geoffrey Wever, a tene un reunion constructivo cu Señora Nathalie Maduro, director di Departamento di Landbouw, Veeteelt y Visserij (DLVV); Santa Rosa. Tema central tabata e presentacion di e Meerjarige Actieplan 2025–2028, un plan multi-anual cu ta fiha e direccion strategico pa desaroyo di sector primario na Aruba.

E punto principal di enfoca den e plan pa e ministerio di Economia y Sector Primario ta seguridad alimenticio. “Seguridad alimenticio no ta un luho, ta un necesidad,” minister Wever a bisa.

Tambe a elabora riba un estudio den ehecucion door di e compania Priva. E estudio aki ta forma parti y ta financiar door di Landspakket y ta e base pa construccion di un Agri Innovation Park: un facilidad centralisa pa produccion di fruta y berdura local, na un forma innovativo.

DLVV Santa Rosa y Minister Geoffrey Wever lo sigui traha man den man den periodo di implementacion nos dilanti, pa logra un base fuerte pa un Aruba mas resiliente.

Fundacion Mi Voz Ta Bo Voz a reuni cu Minister Mervin Wyatt-Ras



BUY 1 MEDIUM PIZZA
CHOOSE BETWEEN BBQ CHICKEN
PEPPERONI FEAST
DELUXE • VEGGIE • OR 2 TOPPINGS

WITH 1 STUFFED BREAD SIDE ORDER CHOICE OF

- STUFFED CHEESY BREAD
- STUFFED CHEESY BREAD W/BACON
- STUFFED CHEESY BREAD W/BACON & JALAPENO
- PEPPERONI STUFFED CHEESY BREAD

ALL FOR 39⁰⁰ AWG
Excluding Delivery Charge

PALM BEACH
586 0333

PARADERA
582 0333

SAVANETA
584 0444

BOULEVARD
583 0333

ORDER AT
DOMINOSARUBA.COM

Download on the
App Store

GET IT ON
Google Play



ORANJESTAD (AAN): E luna aki ta e luna dedica na prevencion di abuso di menor. Den cuadro di esaki Minister di Salubridad, Asunto Social, Cuido di Adulto Mayor y Cuido di Adicto, drs. Mervin Wyatt-Ras, a reuni cu Lisette Gomes di e Fundacion

Mi Voz Ta Bo Voz. A intercambia informacion relaciona cu e importancia di prevencion y ayudo na victima di abuso di menor. Ta importante pa cuminsa conscientisa e muchanan desde edad hoben, pa sa ki ora ta trata di abuso. Fundacion Mi Voz Ta Bo

Voz tin un rol crucial den combati abuso di mucha, pero ainda tin hopi reto cu mester atende. Prevencion di abuso di mucha ta un tarea colectivo di nos sociedad y ta necesario pa fortifica e cooperacion entre entidadnan relevante.

SKIP THE LINE BAN ONLINE Y GANA AFL. 250 TUR LUNA!*



*Pa mas informacion bishita www.setar.aw/disclaimer



A.T.A. a finalisa siman di reunionnan strategico den Europa



ORANJESTAD (AAN): Aruba Tourism Authority (A.T.A.) a finalisa un siman di reunionnan importante na Europa, caminda cu a combina sesionan interno strategico cu presentacionan di diferente agencia di “advertising” specialisa den e mercado di Europa -como parti di un evaluacion integral di A.T.A. su strategia di “advertising” pa e region. Durante e siman, e ekipo a participa den sesionan enfoca riba A.T.A. su “Multi-Annual Corporate Strategy” (MACS) cu ta acapara aspiracion pa cu de- saryo di nos turismo te cu 2035. Enfoce tabata riba e obhetivonan y accionnan concreto delinea pa e aña aki y pa 2026 entre otro. Aki a delinea y describi e papel di A.T.A. Europa y su actor- nan den logra metanan stipula. A.T.A. ta traha cu varios agen- cia internacional pa asina posi- ciona Aruba den diferente pais. Un parti standard di A.T.A. su operacion ta pa evalua e funcio- namiento di cada agencia y pa



habri un proceso di “bidding” cada pasa tanto aña. Como tal parti di e agenda a inclui final- isacion di un proceso di ‘evalua- cion extenso’ a base di un desta- ho pa asina determina e agencia cu lo continua cu A.T.A. y traha hunto cu nos organizacion riba posicionamento di Aruba na Hulanda y den diferente mer- cado na Europa. Proceso asina ta wanta A.T.A., Aruba y agen- cianan cu ta representa Aruba skerpi. E ta conduci tambe na mehoracion den strategia dirigi riba cada mercado. Mas cu claro A.T.A. ta keda dirigi y delinea na kico mester atene nan mes y pues kico e strategia integral y metanan grandi pa Aruba ta, esaki pa medio di e “Request for Proposal” (RFP) formal cu ta presenta na agencianan cu a logra ta parti di e lista final. ‘DEPT’ ta e agencia actual pa Aruba den e mercado Europeo. E siman tambe tabata un cu significado emocional, mirando

cu e team di A.T.A. Europa a uni forza pa duna un despedida yena di cariño na Sharmin de Vries, cu despues di diez aña trah- ando pa e organizacion, lo bay cuminsa un capitulo nobo como un profesional independiente. Ehecucionan di Aruba a gradisi Sharmin y e ekipo completo pa e dedicacion y labor desplega. Hecho ta cu Europa ta sigui ta un mercado unda ta desea di crece, como parti di diversifica- cion de mercadonan pa Aruba. E situacion actual na Merka tabata parti di e agenda, cu a enfoca riba crea un plan di contingen- cia pa Aruba unda Europa lo por hunga un papel den esaki. A.T.A. lo sigui traha riba esaki den e proximo dianan pa asina delinea kico Europa lo por kien- men si e situacion na Merka im- pacta fluho di bishita pa Aruba negativamente. E meta pa Euro- pa pa 2025 ta un crecimiento di 2.5% di huespednan cu ta yega e isla.



‘Nos Poder, Nos Planeta’

Awe ta observa Dia di Tera rond mundo



ORANJESTAD (AAN): E tema pa Dia di Tera 2025 ta “Nos Poder, Nos Planeta”, y esaki ta e mensahe, invitando tur hende mundialmente pa uni tras di energia renoba y pa triplicar e produccion global di electricidad limpi pa 2030. Con? Uni na e Dia di Accion pa Tera estimulando tur hende pa tuma accion, educa, boga y mobilisa. Hasi un compromiso di accion pa e conservacion di tera riba medianan social. Asisti, planea y registra un evento local. Integra curso di Dia di Tera den bo curiculo y apoya nos esfuersonan ta e mensahe di United Nations.

Tuma accion awo: Tuma decisionnan corecto tocante energia pa bo familia y exige un desaroyo rapido di energia renoba di parti di bo gobernante, industria y negoshinan.

Pa 55 aña Dia di Tera a guia e mundo den concientisa y tuma accion riba temanan medioambiental cu ta di importancia. Nos ta boga pa salud di nos planeta, pa nos aire, laman, solo, ecosistema, animalnan silvestre y sa-

lud humano.

Riba 22 di April 2025 Dia di Tera lo cumpli 55 aña cu 192 pais y mas di un bion hende mundialmente cu ta enespera pa participa. Esaki ta demostra con e movicion diversifica di Dia di Tera ta sigui biba y compromete mescos cu na 1970 cu a uni tur hende pa logra un mihor futuro.

Poder di pueblo for di su raiz: Semper poder di pueblo a y ta e curason di Dia di Tera y esey mes ta e motor di cambionan fundamental. Ora hende ta uni cu e mesun meta comunan por vense sistema y industria cu ta muestra di ta imposibel pa cambia. A medida cu nos ta yega na e momento importante aki nos ta celebra un realidad transformativo: nos **ya tin e solucionnan** cu nos mester pa crea energia limpi, barata y sin limite pa tur hende riba planeta via energia solar, biento y otro tecnologia renoba.

Pa Dia di Tera 2025: Laga nos compromete nos mes pa usa Energia Renoba pa construccion di un futuro saludabel, sostenibel, husto y prospero pa



tur hende. Laga nos compromete awe na energia renoba.

Triplifica e produccion di energia renoba pa 2030: Pa aña 2030 Paisnan manera Merca por cumpli cu tur nan nesecidad di energia via fuente renoba tur dia di aña. Esey ta motibo pa nos yama pa un triplicacion global di produccion di energia renoba pa 2030.

Energia renoba ta un forsa potente uniendo Pais, region, estado y comunidad cu regularmente ta conta den politica y economia. Energia limpi ta bai mas leu cu un idea of ideologia. E ta demostra su balor universal como un fuente di energia cu mester ta pagabel pa tur hende.

Costonan di Energia Renoba ta bahando rapidamente: E costo pa fabrica Panelnan Solar a baha dramaticamente den e ultimo añanan haciendo esaki nan mas pagabel y e forma di electricidad mas barata awendia. Entre 2010 y 2020 e modulonan solar a baha te cu 93%. E costo promedio global pa proyectonan solar a baha pa 85% den mesun periodo.

Beneficio di salud di energia limpi: Energia renoba por trece un briyante revolucion humanitario. Pa prome biaha den historia nos tin un caminda pa suministra energia sin limite y barata pa tur hende.

Como 3.8 bion di hende lo yega e “Modern Energy

Minimum” (MEM), cu ta menos cu 1.000 kWh pa persona pa aña. Energia renoba por cambia e situacion, subi nivel di bida y mehora salud di e siguiente forma.

(*) **Contaminacion di aire** di kimamento di fuel fosil; ta relaciona cu ataca di curason, athsma, problema respiratorio y mas.

(*) **Menos Contaminacion** ta bai disminui enfermedad respiratorio y cardiovascular. (Fuente: WHO)

(*) **Salud di hende muher** ta mas afecta pa polucion di aire y awa contamina; riesgo pa cancer di pecho, problema di ovario, y complicacion maternal.

(*) **Menos emision di gas cu ta causa cambio climatico** ta yuda preveni riesgo di ola di calor, inundacion y infeccionnan. (Fuente: IPCC)

(*) **Mehora salud mental;** reduci stress y ansiedad relaciona cu polucion, cambio climatico, polucion di sonido y desaster ambiental. (Fuente: CDC)

(*) **Menos morto;** menos malesa relaciona cu calidad di aire. (Fuente: NIEHS)

(*) **Menos polucion di awa;** mehoracion di di calidad di awa ta yuda baha riesgo di malesa transmiti via awa. (Fuente: EPA)

(*) **Menos gasto pa cuida medico,** menos malesa di polucion, menos presion riba sistema di salud (Fuente: Harvard T.H. Chan)

(*) **Energia Renoba y Agricultura:** Den transcurso di añanan por a tuma nota cu Aruba tambe a cuminsa cambia di pensamiento. Hopi ta esnan cu awendia a cuminsa pensa den Energia Ronoba. Invertiendo den Panelnan Solar pa cas. Por tuma nota tambe varios vehiculo electrico riba nos isla cual ta hasi cu Agencianan di auto tin un demanda riba esaki. Diferente establecimiento, Tereno y casnan tin luznan solar. Mescos ta conta tambe den cameranan di seguridad cu tambe ta solar awendia. Aruba por a cuminsa tuma nota di innovacion den Sector Primario caminda cu tin productonan local ta invertiendo den autonan electrico personal c unan ta move diariamente. Hunto cu esaki ta invertiendo tambe den autonan electrico pa por hasi entrega di nan productonan na clientela. Tin algun proyecto Hydroponico cu tin Panelnan Solar pa yuda baha nan gasto y asuina mantene e prijs di nan producto competitivo.

Mira Dilanti: Den un mundo cu Sector Primario mester adapta na e reto di e siglo aki, energia renoba lo sigui ta un pilar importante pa garantisar seguridad di cuminda, estabilidad economico y sostenibilidad ambiental. Un vision importante tambe cu nos isla lo mester cumpli cune pa hasi di Aruba un isla cu un Sector Primario robusto y resiliente.

Riba peticion di abogado, Hues a pospone e caso

Acusado ta insisti di no maltrata Polis sino cu ta e agente a maltrat'e

ORANJESTAD (AAN): E homber Dominicano F.D.L.S.D. di 55 aña di edad siman pasa tabata hopi emocionada den Corte di Husticia, y tabata insisti cu e ningun momento a maltrata Polis. El a bisa Hues, cu ta mas bien e Agente Policial a maltrat'e sin ningun motibo.

Ta asina cu F.D.L.S.D. a presenta den Corte sin abogado y durante tratamento di e caso, diripiente abogado mr. Illes a presenta. E abogado a pidi Hues pa

pospone e caso pasobra e no a haya chens pa papia cu e sospechoso, door cu ta un dia promer Departamento di Asuntonan Social a inform'e cu e ta bay defende e acusado.

Maltrata dos Polis: Fiscalabisacueacusacion contra F.D.L.S.D. ta cu dia 4 Augustus 2022, el a maltrata dos agente di Polis. Acusado F.D.L.S.D. tabata hopi emocionada y tabata bisa cu e no a maltrata e dos agentenan y cu e tabata geboei. El a remarca,



ta con e por a maltrata e agentenan di Polis, siendo el a worde

geboei!

Hues, diferente biaha mester a hala atencion di F.D.L.S.D. pa e keda trankil y scucha kico Hues ta bisa. Hues a puntr'e kico a pasa dia 4 Augustus 2022. Segun F.D.L.S.D., el a pleita cu su yiu pa e auto. El a cuminsa saca tur su cosnan for di e auto. Na dado momento Polis a yega su tras y a bis'e cu e ta deteni. Nan a boei y el a bay cu nan. Segun e sospechoso, durante cu e tabata canando, Polis a push'e y el a slip den un rooi y cay. Segun F.D.L.S.D., e momento ey, Polis a dal'e.

Sospechoso ta nenga: F.D.L.S.D. tabata hopi emocionada y a lanta su manga di flanel pa mustra Hues caminda cu Polis a dal'e cu klop na su man drechi y cu te ainda e tin un bulto eynan. El a sigui bisa cu despues 3 otro agente di Polis a bin lucha cun'e. El a bisa cu un di nan a primi su zapato na su nek. F.D.L.S.D. a para riba cu e no a dal Polis pasobra e tabata geboei. El a desmenti tambe di a morde y skope agentenan di Polis, manera ta para

den e relato di Polis. El a bisa cu e agentenan tin rabia riba dje.

Hues a remarca na F.D.L.S.D., cumustrando e bulto na man drechi, no ta prueba di maltrato pasobra no tin indicacion cu esaki a sosode riba 4 Augustus 2022.

Abogado a pidi pa pospone caso: Na dado momento, abogado mr. Illes a presenta den sala di Corte. E abogado a informa Hues cu el a haya yamada un dia promer di Departamento di Asuntonan Social pa tuma e caso pero e no a haya oportunidad di comunica cu F.D.L.S.D.

E abogado no tabata na altura cu tratamento di e caso tabata e dia ey. Hues a pospone e caso un rato pa asina e abogado bay pafor di sala y papia cu e sospechoso. Ora e abogado a bolbe den sala di Corte, el a pidi Hues pa pospone e caso pa asina e por prepara su mes pa defende F.D.L.S.D.

Hues, despues di a check e agenda di casonan di Corte, a bisa e abogado cu e caso ta keda pospone pa dia 19 Juni 2025 den oranan di mainta.

M.J.C TROMP
NOTARIS

Santa Cruz 35 • Santa Cruz, Aruba
T: +297 585 3500 | +297 585 7900
E: info@notaristromp.com

EXECUTORIALE OPENBARE VERKOOP

Op **dinsdag 27 mei 2025** des namiddags om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

een perceel eigendomsgrond, groot ongeveer 510 m2, gelegen te Modanza in Aruba, uitmakende en zodanig gedeelte van het perceel eigendomsgrond, kadastraal bekend als Eerste Afdeling Sectie L nummer 395, zoals nader omschreven in meetdocument nummer 1686/2014 opgemaakt door Surveying Unlimited Aruba N.V. op 3 juni 2014 (index:D12801), bekend als kavel 3A en 4, met het daarop gebouwde, plaatselijk bekend als **"Purun 109"**.

Inzetprij: p.m.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor om de veiling uit te stellen en op te houden zonder de verplichting de reden(en) daartoe te noemen.

Tot en met 12 mei 2025 kan onderhands op het te executeren registergoed worden geboden bij een aan voornoemde notaris mr M.J.C. Tromp gericht geschrift.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Fax: 5854222
Whatsapp: 6997245
Email: veiling@notaristromp.com/auction@notaristromp.com

NT

Tayer di 'Ban pa Bay 2025' pa tur studiante cu a haci peticion pa Arubalening

ORANJESTAD (AAN): Directie Onderwijs Aruba en colaboracion cu Realalign Coaching Consultancy & Services, cu sosten di Stimuleringsfonds y SEA (Strategic Educational Alliance – Nederlandse Samenwerkende Hogescholen) ta presenta orguyosamente e programa unico: "Ban pa Bay 2025".

E programa aki ta consisti di 6 tayer unico, especificamente diseña pa yuda tur studiante cu a haci peticion pa un Arubalening y cu ta bai cuminsa cu un studio superior, sin importa si nan ta bai studia na Aruba, Curaçao, Hulanda, Merca, Canada of cualquier otro pais den exterior.

Loke ta "Ban pa Bay 2025": Esaki ta un serie di 6 sesion interactivo, practico, educativo y motivacio-

nal, entre nan: (*) 2 tayer online (un ya a tuma lugar riba 16 april). (*) 3 tayer fisico cu guia practico. (*) 1 tayer cu studiante hunto cu nan mayornan.

E tayernan ta cubri topiconan manera: (*) Con pa studia den educacion superior, prepara bo portfolio y planificacion. (*) Asertividad, imagen propio y liderazgo. (*) Transicion pa bida universitario na Aruba y tambe den exterior. (*) Maneho di emocion, independencia. (*) Traha e presupuesto cu ta fit abo. (*) Preparacion mental y cultural pa un miho integracion.

E programa ta pa tur studiante cu a aplica pa un Arubalening y cu ta bai cuminsa un estudio superior na Aruba of den exterior.

Fechanan Importante: E



tayernan lo tuma lugar entre april y juni 2025. Studentenan cu a aplica pa un Arubalening a ricibi e link di registracion den nan email. Den e formulario nan por indica e fecha y ora di preferencia. Fecha

pa registracion ta te dia 22 di April 2025.

Cada grupo lo tin un maximo di 25 participante, pa garantisca calidad y atencion personalisa. Esaki ta un oportunidad unico pa ta bon prepara y di e forma

aki optimalisa bo exito for di comienso di bo studio!

"Ban pa Bay" ta un oportunidad unico pa yuda nos studentenan prepara pa un futuro yena di reto, autonomia y exito! Bo futuro ta cuminsa awe. Ban pa bay

Cambio Temporal na acceso di Waf di Oranjestad

ORANJESTAD (AAN): Como parti di mehoracion y mantencion continuo di e waf na Oranjestad, Aruba Ports Authority N.V. (APA) lo ta ehecutando e proyecto di asfaltering y mehoracion di e caminda na Gate 7 y e parkeerplaats banda p'ariba di oficina principal di APA na L.G. Smith Blvd. 23. Pa tal motibo, Gate 7 lo ta cera temporalmente.

APA ta pidi pa tur usuario di waf tene cuenta cu e siguiente cambionan pa loke ta acceso na e waf di Oranjestad y oficina principal di APA:

• E trabou di asfaltering lo ta entre 22 di april y 23 di mei 2025.

ACCESO NA WAF DI ORANJESTAD:

• Ariba dianan cu no tin barco crucero den waf, acceso na waf di Oranjestad lo continua manera semper na Gate 4.

• Ariba dianan cu tin barco di crucero, acceso na e waf di Oranjestad lo ta via Gate 9 (na e rotonde di Wendy's/Harbour Arena). E gate aki lo keda


habri durante oranan cu e barco di crucero ta den waf. Trafico lo wordo dirigi via Gate 8 pa acceso na waf di Oranjestad. Acceso na waf di Oranjestad ta limita pa hende cu un badge y vehiculonan cu car pass valido di APA y autoridadnan. Ta pidi pa tene cuenta cu trafico di equipo di construccion cu tambe lo husa Gate 9.

ACCESO NA OFICINA PRINCIPAL DI APA:

• Acceso na oficina principal di APA lo continua via Gate 9 (na e rotonde di Wendy's/Harbour Arena). E gate aki lo keda habri durante oranan di oficina, cu personal di seguridad presente. Trafico lo wordo dirigi via Gate di Free Zone pa yega e area temporario di parkeerplaats (cu lo wordo señala). Ta pidi pa tene cuenta cu trafico di equipo di construccion cu lo uza e mesun ruta aki.

Tene na cuenta cu e informacion menciona aki por ser ahusta den transcurso di e periodo menciona.

APA ta pidi disculpa



pa cualquier inconveniencia cu e cambio temporal aki por causa y di antemano ta gradici tur empleado, autoridadnan y demas usuario di waf di Oranjestad

pa e comprension y cooperacion.

Por favor sigui tur e señalnan y instruccion di e personal di seguridad pa garantisca un fluho di

trafico sigur y eficiente durante e periodo di mantenimiento.

Referi tambe na e mapa cu ta indica e acceso temporario pa drenta waf di Oranjestad.

Columna E Sembrado



Diamars 22 April. Prome siman di Pasco di Resurreccion. Aña 2025. Ciclo C.

Calendario Liturgico

Lectura: Echonan 2, 36-41;

Salmo: 33;

Evangelio: Huan 20,11-18;

Hesus a bis'e : "Maria!" E ora ey Maria a bira cara p'E y a bisa na Arameo:"Rabuni!" Esey ta nifica "Maestro". Huan 20,16

Maria tabata yora; su curason tabata yena cu'n profundo tristesa, el a bay na e graf y no a mira e curpa di Hesus. El a mira un hende den hofi pero e no a reconoc'E, e no a comprende y no tabata capaz di reconoc'E. Asina nos momentonan di lucha, di scuridad y dificultadnan tambe ta, te ora cu Maria a scucha su number, su wowo a habri y a descubri su Maestro. Pakico ta busca entre e mortonan Esun cu ta bibo? Hesus a Resucita y E ta Bibo, esun cu semper ta renoba su curpa cu ta e Iglesia y ta haci'e move treciendo esaki na djE. Awor ta e resurreccion eterna ta loke e Spirito Santo ta pusha nos y ta duna nos e pleno libertad. Nos Iglesia ta ofrece na humanidad e Evangelio, Magisterio di Iglesia y documentonan profetico cu ta e contesta na exigencia y aspiracionnan di e curason humano y cu semper ta e "Bon Noticia".

Oracion: Mi Señor y mi Dios yuda mi den dificultad y frustracionnan cu por yega na mi porta. Yuda mi aumenta mi fe y confiansa den number di Cristo Hesus Bo Yiu. Amen.

Grupo Centro Pastoral.

> SUDOKU <

Conceptis Sudoku

By Dave Green

			4	6			8	
5						3		
	9				1			
		7		1				8
8			3		4			6
4				8		5		
			8				1	
		9						7
	3			5	6			

Difficulty Level ★★★★★

5/22

©2022 Conceptis Puzzles, Dist. by King Features Syndicate, Inc.

BUSCA PALABRA

ENERGIA

T E A D P W R L V D D A Z T O T G H D R
G O Z L E E B Q A C R V I E D E E O E K
C D O T O S R L G X Q I B A A L W K X U
K X A Y U R A M S A M T D T T E C G P P
Z T I Z J E T S I F N A R R L F X K W O
B O Q D F C O N T T J N P O U O D G L W
A E Z B U S A N O E I R R G S N U F N T
R B K D E Q O N M C R E O X E W R O R K
C C L C Y I D J T P A T D R R K F A D N
B J O L C T M W J I Y L U D S U N S V Q
Q R Y N M W Y X X U D A C L E S Z N T C
P X E B K M M Q I P J A I R F H G R W N
H T F A S C I N A N T E D O Z Z Z K T L
A N X S X B P W M M P M R J X D S W N V
D Q M V F Z V M Q S P M R R H R C I N W
I R O V W H F O G Q A A A X U U R A Z T
G V F I I U B C Q J K V A I G G E O R O
X T H U S A K V N P L Z P U N V F H O S
K Z B A F M Z P A F W Q T M N T V O L A
Q G C E Y M A P O E D G B F C N S T W G
L N C D V N F Y P N X L S Z Q U B U T F
U T B T T U V S R P W H C P P V I S I F
A N E A C I P R E F A S E C O R P E N F
T Y Y T I Y S H I P R U S X N B C W S L
D A G L N P M H O F D X J N Y F A Z K A
H M X K M E X R W I A M I L C H Z L T Y
R T Z M Y U I W W I U F R P Z O N V F Y
M O M E N T O R Q E K X F Z W T A R A B
Z I W B H J L Y O R F N K C V R S J D Q
A P A S Z C L X Q C Z E S T A B L E C E

AFECTA
CANTIDAD
CORIENTE
FASCINANTE
PERMITI
PRODUCI
TELEFON
ALTERNATIVA
CLIMA
DESASTER
MOMENTO
PROCESA
RESULTADO
TRANSFORMA
ATENCION
CONTROLA
ESTABLECE
PANTAYA
PROCESO
TEATRO

Answer to previous puzzle

3	5	8	7	6	2	1	4	9
4	1	6	9	3	8	5	7	2
7	9	2	4	5	1	3	8	6
5	8	4	3	9	7	6	2	1
1	6	3	2	4	5	8	9	7
2	7	9	1	8	6	4	5	3
6	4	1	5	7	9	2	3	8
9	2	5	8	1	3	7	6	4
8	3	7	6	2	4	9	1	5

Difficulty Level ★★

5/17

Ejercicio fisico durante embarazo: ki ora, con y con frecuente

Pa hopi tempo, hende tabata kere cu haci ejercicio durante embarazo por ta riesgoso. Hopi hende muher a evita di move pa miedo di haci daño na e baby of experiencia complicacion durante parto. Sinembargo, awor nos sa cu ejercicio planea, supervisado profesionalmente no solamente ta sigur, pero tambe ta sumamente beneficioso pa e salud di tanto e mama como e feto.

E hecho ta cu e recomendacionnan nobo ta enfatisa e importancia di mantene actividad fisico, adapta esaki na cada etapa di embarazo. Ejercicio ta yuda regula peso y por preveni problemanan manera diabetes gestacional of hipertension.

-Motibonan pa sigui haci ejercicio

Actividad fisico modera durante embarazo tin hopi beneficio pa salud. Por ehempel, e ta yuda controla peso, manteniendo esaki den e nivelnan saludabel. Esaki ta reduci e riesgo di obesidad despues di parto.

E ta reduci tambe e chens di desaroya diabetes gestacional, ya cu e ta mehora e sensibilidad na insulina y ta regula sucu den sanger.

Adicionalmente, ejercicio ta yuda preveni preeclampsia door di mehora salud di e adernan y baha presion di sanger. Hende muher activo tambe tin un riesgo mas abou di mester di cesarea. Si bo ta fit ta yuda bo tolera e stress di parto miho y recupera mas lihe.

Di otro banda, actividad fisico ta reduci casonan di macrosomia fetal, kiermen, e baby ta nace cu excesivo, loke por haci parto dificil.

Y finalmente, movimiento durante embarazo ta mehora bienestar emocional: e ta reduci ansiedad y depresion, y ta mehora calidad di bida di e hende muher na estado.

-Guia pa move durante embarazo

E mihor tempo pa cuminsa haci ejercicio ta durante e prome trimester, semper cu aprobacion di un profesional di cuido medico y dependiendo di e condicion di e mama. E Colegio Mericano di Obstetria y Ginecologia ta recomendá por lo menos 150 minut di actividad modera pa siman. Esaki ta ekivalente na



mas o menos 30 minut pa dia, cinco dia pa siman.

Bo por cana, participa den actividadnan den awa, core bicicleta stacionario, of haci ejercicio den menos impacto. Stretching, train cu peso light, y ejercicio manera yoga prenatal tambe ta recomendabel.

Ta esencial pa evita deportenan cu ta encera e riesgo di cay of golpi na barica. For di e di dos trimester en adelante, no ta recomendabel pa haci ejercicio drumi riba bo lomba, ya cu esaki por afecta e circulacion. Tambe ta importante pa keda bon hidratado y evita calor excesivo.

-Aspectonan fisiologico specifico pa considera Embaraso ta encera un serie di transformacion fisiologico cu ta afecta e funcionamiento di e curpa. Un di e cambionan principal ta cu e curason ta traha mas duro. E produccion cardiaco por aumenta te cu 50% pa cumpli cu e necesidadnan di e baby y e mama. Esaki ta nifica cu e sistema circulatorio ta bao di mas presion, hasta si e mama ta sinta of drumi.

Tambe bo ta hala rosea mas liher. Ta normal pa sinti un tiki cansancio ora di haci ejercicio, hasta leve.

Un otro cambio importante ta e accion di un hormona cu yama relaxin. E substancia aki ta aumenta e elasticidad di hende muhe na estado, preparando e curpa pa parto, pero e por aumenta tambe e riesgo di lesion si e ejercicio ta intenso of mal controla.

Tambe, segun cu e barica ta crece, e centro di gravedad ta cambia. Esaki ta afecta bal-

ansa y por cambia e manera cu bo ta kana. Ta importante pa adapta ejercicio na cada etapa di embarazo. Cu yudansa di profesionalnan, ta posibel pa keda activo na un manera safe y beneficioso.

-Impacto riba e tipo di parto y e baby

Ejercicio tambe ta influencia e parto. Manera a señala, hende muher activo tin menos chens di haci cesarea of intervencionnan medico. Nan ta mihor prepara fisicamente y ta tolera esfuerso mihor. Baby di mamanan activo tin e tendencia di tin un peso di nacemento mas balansa, loke ta reduci e riesgo di complicacionnan.

Un estudio di Universidad di Granada a mostra cu inactividad fisico durante embarazo ta asocia cu un riesgo mas halto di parto prematuro, peso abou na nacemento, y necesidad pa admision den cuido intensivo neonatal.

Leu di ta un riesgo, actividad fisico ta un arma hopi poderoso pa mehora e salud di mama y baby. Haciendo ejercicio regularmente, apropiadamente y na un manera sigur ta yuda controla peso, preveni problemanan manera diabetes gestacional of hipertension, y ta prepara e mama pa un mihor pa parto.

Tambe e ta mehora e estado di animo, ta reduci ansiedad, y ta promove recuperacion mas liher despues di parto. E clave ta pa actua cu sentido comun y consejo di profesionalnan apropiada.

Nos mester laga e mitonan atras y opta pa un embarazo activo y saludabel.

RECETA

GALIÑA Y ASPERGE LORA CU



I n g r e d i e n t e

2 pecho di galiña corta na filet
3 cuchara di soy sauce
2 cuchara di barbecue sauce
2 cuchara di vegetable oil
1 telep di biña blanco
2 telep di black pepper
1 telep di ginger fresco muela
1 telep chili powder
1 telep di onion powder
½ telep di garlic powder
Pa e asperge
5 pa 6 asperge pa cada persona
3 cuchara di olive oil
½ telep di salo
¼ telep di black pepper
Bacon pa lora e asperge

P r e p a r a c i o n

Den un saco di plastic, preferible esnan mas diki, mescla tur ingrediente menos e pechonan di galiña, ora esaki ta bon combina, agrega e pechonan di galiña y duna esaki un 'masahe' pa esaki por absorbe bon, pa por lo menos 2-6 ora. Grill e galiña of has'e den wea. -Preparacion pa e asperge lora cu bacon
Precalenta e fornu na 400°F (200°C). Laba e asperge bon y strooi un tiki salo y pepper. Lora cada pida cu bacon (of varios asperge cu un repi so di bacon) y pone nan den un solo laag riba un baki fura cu foil. Horna e asperge pa mas o menos 6-8 minut, y bira nan pa e por horna otro banda te ora esaki bira bruin.



The Eighth
Continent, INC.
Import & Export



Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com

Altocomisario a reconoce Comisario Gordon pa su bon trabao

ORANJESTAD (AAN): Forsanan silencioso ta hopi balioso. Mester elogia y reconoci nos coleganan policial pa nan aprecio y dedicacion pa locual nan ta haci cu hopi biaha no ta wordo mira.

Den e caso aki tin di para ketu na Sra. Irma Gordon comisario di Cuerpo Policial Aruba. Señora Gordon tin amplio conocimiento y experiencia di nos organizacion policial. Tambe señora Gordon ta miembro di mas aña den e manejo di KPA cu ta Korps Management Team (KMT) como e parti operacional di KPA.

Na varios momento tambe Sra. Gordon a fungi como Altocomisario Interino di KPA

na momento cu e altocomisario tabata ausente.

Den periodo di September 2021 te cu augustus 2022 Sra. Gordon a guia KPA den momentonan difcil como altocomisario interino.

Semper Sra. Gordon tabata disponible y a muestra su liderazgo tur momento y nos di KPA ta hopi agradecido pa Sra. Gordon cu semper tey.

Den e cuadro aki recientemente altocomisario drs. Ramon Arnhem a convoca un reunion di caracter di urgencia pero di sorpresa pa Sra. Gordon.

Na su yegada el a haya aplauso fuerte den presencia di altocomisario, Minister di Husticia Arthur Dowers, famia y

coleganan. A reconoce Sra. Gordon cu un "Oorkonde" pa su trabou desplega como altocomisario interino como tambe a haya un bunita recuerdo pa su trabou brinda. Sra. Gordon no a spera esaki y el a yena cu hopi emocion mirando cu el a wordo reconoci.

Minister Dowers y Altocomisario a hiba palabra di gratitud na sra. Gordon. A gradicie y a elogia e bunita trabou cu e ta haciendo te cu e dia di awe.

Cuerpo Policial Aruba ta gradici Sra. Gordon pa su dedicacion, tempo y servicio. Nan sa cu por conta riba dje pa hopi aña mas. Masha pa-bien y hopi danki.



RESULTADO DI SORTEONAN PA CORTESIA DI CADENA ALEXANDER

— Diahuebs 17 April 2025
— Diasabra 19 April 2025
— Diadomingo 20 April 2025

DIARIO	KORSOU	CATACHI	CATACHI	CATACHI	ZODIAC	LUCKY 3
Diahuebs Anochi 3928 1070 1885	Diahuebs Anochi 4488 1029 3089	Diahuebs Merdia 5620 7061 6648 FP	Diasabra Merdia 8851 5680 8150 FP	Diadomingo Merdia 2216 4818 6633 FP	Diahuebs Anochi 1214 Tauro 0355 Scorpio	Diahuebs Anochi 543 X2 400 FP
SUPER 4 9055	Diahuebs Anochi 0074 7509 1571 X2	Diasabra Anochi 6529 4978 3184 FP	Lotería Santo Domingo Diadomingo No tin wega	Diasabra Anochi 5242 Libra 3072 Libra	Diasabra Anochi 469 X2 930 FP	Diadomingo Merdia 3682 Libra
BIG 4 Diahuebs Merdia X3 4509 Anochi X5 7154 Diasabra Merdia FP 4895 Anochi X2 6713 Diadomingo Merdia X2 5128	Diahuebs Merdia 4576 Anochi 3073 Diasabra Merdia 6335 Anochi 9017 Diadomingo Merdia 3726	LOTTO DI DIA Diahuebs 03-17-20-22-23 Diasabra 03-12-20-21-30 Diadomingo 05-10-11-27-30 Siguiete jackpot: 53.000				

LOTTO

E LOTERIA DI ARUBA

— Resultado di Diasabra 19 April 2025 —

09 11 17 18 22

1^{er} Premio: Tin 0 ganador Jackpot

2^{do} Premio: Tin 0 ganador Match 4+

3^{er} Premio: Tin 5 ganador Match 4

4^{to} Premio: Tin 211 ganador di 12 Florin

Joker
6

Proximo sorteo 23 Apr. 2025

Afl. 4.00 pa ticket

Afl. 360.000,—

1 Premio: 5 Bon

2 Premio: 4 Bon + Joker

3 Premio: 4 Bon

4 Premio: 3 Bon

Letter ganador pa ticket gratis:

H

Mini Mega

Diahuebs 17 April 2025

Sorteo #1759

16 19 22 30

• • • Mega Ball: **10**

1^{er} Premio: Tin 1 ganador JACKPOT
625.000 Florin

2^{do} Premio: Tin 1 ganador di Match 4

3^{er} Premio: Tin 4 ganador di 500 Florin

4^{to} Premio: Tin 89 ganador di 50 Florin

5^{to} Premio: Cu 93 ganador di 15 Florin

Jackpot pa e proximo Sorteo Mini Mega: 22 APR. 2025
Afl. 250.000,— • MEGA PLUS: Afl. 350.000,—

Come menos sucu posible!

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki mester bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo NO POR menciona number di hende of entidad). Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion.

Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2025 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC




**Bahada
y salida
di solo
na Aruba**

—22 April 2025

Solo ta baha: 6:53 p.m.

—23 April 2025

Solo ta sali: 6:24 a.m.



**Lista di Crusero
di bishita
na Aruba**

—Diamars 22 Apr 2025:

Carnival Vista:

(13:00 - 23:00)

Oasis of the Seas:

(08:00 - 23:00)

—Diahuebs 24 Apr 2025:

Norwegian Gem:

(08:00 - 20:00)

—Diabierna 25 Apr 2025:

Norwegian Gateway:

(11:00 - 21:00)

EMERGENCIA NA ARUBA

Diamars 22 April 2025

DOCTER NA WARD

SAN NICOLAS:

Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi.

ORANJESTAD:

Pa Oranjestad, Docter lo ta na Huisartsenpost na Hospital. Docter tey di 6:30 pm te cu 10:30 pm.

BOTICA NA WARD

PARIBA DI BRUG:

Botica 4 Centro Medico
Bernhardstraat 55
Telefon 584-5794

PABAO DI BRUG:

Botica Eagle
Caya Punta Brabo 17
Telefon 587-9011

e-CONTACT DIARIO

E-mail Redaccion:
noticia@diario.aw
E-mail Avisos:
aviso@diario.aw

E-mail Deporte:
deporte@diario.aw
E-mail Asunto Funeral:
morto@diario.aw

DIARIO

Loke Tempo ta Mostra....



•• Forza di biento modera lo sigui awe den region, y awacero di duracion cortico ta posibel riba cierto area. Esey ta bin debi na aumento di humedad, hunto cu un disturbio den desaroyo, y por pone awa cay den e area aki pa siguiente dianan.

•• Biento modera entre 12 y 30 km/h, cu rafaga te 39 km/h. Lama ta modera cu ola entre 2 y 5 pia, cu ola mas halto panort.



PRIS: 2 Florin ehemplar
ABONO: 40 Florin pa luna

EDITOR

Agencia Arubano
di Noticia

FUNDADOR

† Jossey M. Mansur

DIRECTORIAN

Eduardo Mansur

Luis M. Mansur

Damilice Mansur

REDACTOR Coordinativo

Aureen Werleman

REDACTOR Ehecutivo

Nilton Laclé

Yorleny Oduber-Quesada

Tania Cunha

REDACTOR

Mercedes Abdul-Hamid

Giovanni Lane

REPORTERO

Hubert Tiel

AVISOS Y ARTE

Franklin Peña (Hefe)

Susy Maduro (Project Manager)

Miguel Garcia

Glenn Gonzaga

Robert Simoons

ADMINISTRACION

Freddy Barreto (hefe di personal)

RECEPCIONISTA

Vivian Maduro

LAYOUT

Alex Croes

Ricardo Jimenez

IMPRESION

William Quiceno

Raul Valencia

ADRES

DIARIO N.V.
www.diario.aw

Miembro di:
Sociedad Interamericana
de Prensa

Email: noticia@diario.aw
Engelandstraat 29, Aruba.
P.O. Box 577, P.O. Box 695

Telefon: +(297) 582-6747
Whatsapp: +(297) 561-5325



DIARIO is Printed
on 100% Recycled Paper

Atleta di Taekwondo Maelynn Fradl ta clasifica pa ASU2025



ORANJESTAD (AAN): Recien a drenta e grato noticia cu despues di a participa na tur evento clasificatorio unda el a demonstra su nivel, logrando tremendo resultado, atleta di Taekwondo Kyorugi Maelynn Fradl a logra clasifica pa e Weganan Panamericano Junior "ASU2025".

Esaki lo tuma luga na Asuncion, Paraguay den luna di augustus benidero. Maelynn ta practica e deporte di Taekwondo Kyorugi, cual ta e disciplina di combate. Despues di algun siman di "training camp" na Honduras y Mexico, el a participa den e ultimo clasificatorio pa asina logra cu cupo pa e Weganan.

Awo cu e cupo garantiza, Maelynn lo sigui traha duro cu su entrenador Teofilo Rodriguez, pa asina percura pa tin e mas alto rendimiento posibel pa e weganan. Di parti di Co-



mite Olimpico Arubano nos ta felicita Maelynn, Teo y Aruba Taekwondo Bond cu e clasificacion aki

Cla pa representa Aruba na e nivel mas halto di Karate Kumite Rob Timmermans ta clasifica pa e World Games Chengdu, China 2025



Male Kumite 84+ Kg		
Filter athletes or countries...		
RANK	ATHLETE	COUNTRY
TOP 10		
1	TAHA TAREK MAHMOUD	EGY - EGYPT
2	ROB TIMMERMANS	ARU - ARUBA
3	SALEH ABAZARI	IRI - ISLAMIC REPUBLIC OF IRAN
4	RYZVAN TALIBOV	UKR - UKRAINE
5	ANDJELO KVESIC	CRO - CROATIA

ORANJESTAD (AAN): Recien a drenta e noticia cu atleta di Karate



Kumite +84kg, Rob Timmermans a logra clasifica pa e World Games cu lo tuma luga na Chengdu, China den luna di augustus 2025. Esaki el a logra despues di termina number 2 den e ranking mundial den su categoria di peso.

Ultimo na e weganan Panamericano di Santiago2023, Rob a logra gana un medaya di brons pa Aruba den Karate.

E "World Games" ta un evento multi deportivo cu tambe ta pasa cada 4 año, cu ta conta cu participacion di deportenan cu no ta participa na e Weganan Olimpico. Comité Olimpico Arubano ta felicita Rob e logro aki y ta desea tur tipo di exito na Chengdu, China 2025.

DEPORTE INTERNACIONAL

Warriors a tuma bentaha di 1-0 den serie contra Rockets



HOUSTON: Diadomingo apesar di hunga pafo di cas, Golden State Warriors a Ghana Houston Rockets, pa tuma un bentaha di 1-0 den e prome rond di e serie di playoffs di Western Conference.

Draymond Green for di trempa a bisa cu pa Warriors por tin exito den playoffs, Stephen Curry mester ta hopi bon y esey tabata e caso tambe Diadomingo.

Curry a termina cu 31 punto y 6 rebounds y Golden State a gana e

wega 95-85.

Den prome mitad Warriors a domina, pero den di dos mitad Houston a yega bastante cerca, prome cu Warriors a caba e ultimo minuutnan hopi bon.

Jimmy Butler a contribui pa Golden State cu 25 punto, 7 rebounds y 6 asistencia, mientras cu e maximo anotador pa Rockets tabata Alperen Sengun cu 26 punto y 9 rebounds.

Joel Piroe a anota 4 gol den 40 minuut pa sigura cu Leeds ta den Premier League proximo temporada



INGLATERRA: Joël Piroe a sigura cu Leeds United lo subi pa Premier League proximo temporada.

E ex delantero di PSV Dialuna a anota 3 gol den menos cu 20 minuut y uno mas prome cu di 40 minuut, pa yuda Leeds gana Stoke City 6-0.

Den di 6 minuut Piroe a anota su prome gol, den di 8 e di dos gol a cay y den di 20 minuut e score tabata 3-0 caba.

Despues cu Junior Firpo a anota e 4-0, Piroe a anota e 5-0 pa Leeds den di 40 minuut.

E di 6 gol a wordo anota pa Wilfried Gnonto.

Despues di gana e wega Leeds ta a prome lugar di Championship cu 94 punto den 44 wega, cu ta mes cantidad di punto cu Burnley tin na di dos lugar.

Como cu e prome y e di dos lugar di Championship ta subi automaticamente pa Premier League, Burnley y Leeds ta bay ta e clubnan cu ta promeve, mirando cu e ekipo na tercer lugar di e campeonato tin 86 punto, faltando 2 wega pa wordo hunga.

Arraez lesiona pero afortunadamente e no ta algo grave



HOUSTON: Diadomingo anochi San Diego Padres a gana un bon wega contra Houston Astros cu e score di 3-2, pero for di trempa nan a perde Luis Arraez.

E primera base di San Diego a wordo lesiona ora cu elk a pone un toke di sorpresa y a dal den e segunda base di Astros Mauricio Dubon ora cu el a wordo saca out na primera base.

Tabata muestra un caso serio, mirando cu Arraez mester a wordo baha for di veld riba un vehiculo y

a wordo transporta pa hospital.

Diadomingo anochi Padres a indica cu Arraez lo keda na Houston y probablemente por uni su mes cu e ekipo na Detroit Dialuna.

“Tabata un situacion espantoso, pero nos ta contento cu mas tanto no tabata algo serio”, manager di San Diego Mike Shildt a duna di conoce despues di e wega.

E testnan inicial tabata favorable, cu ningun indicacion di cualkier fractura.

Go Ahead Eagles a gana Copa di Hulanda



HULANDA: Dialuna tabata tin un sorpresa den e final di KNVB Beker (Copa di Hulanda).

Den e wega entre AZ y Go Ahead e ekipo di Alkmaar tabata favorito pa bay cas cu e copa, pero na final Eagles a bira e ganador despues di tironan di penalty.

E tempo regular a caba 1-1 y pesey mester a hunga e extra tempo di 2 biaha 15 minuut.

Como cu ningun ekipo a anota un gol, a bay pa tironan di penalty y esaki a wordo gana pa Go Ahead 4-2.

Den e tempo regular Troy Parrott a anota un penalty den di 54 minuut pa duna AZ e ventaha y tabata te den di 99 minuut cu Mats Deijl a anota un penalty tambe pa empata e wega pa Eagles.

Noticianan for di Hulanda

Famia di victimanan di dobel asesinato ta pone polis responsabel pa tur daño



HULANDA: E famianan di e dos victimanan di e dobel asesinato na Weiteveen ta bay exigí pa pone polis responsabel pa tur e daño cu nan a sufri.

E famianan di Sam y Ineke ta haya cu polis tabata negligente pa locual ta e advertencianan riba e homber cu na final a asesina e dos personanan.

E abogadoonan di e famianan a manda un carta pa polis Diamars, den cual nan ta indica cu tanto

Ineke como tambe Sam na varios ocasion a haci melding di e menazanan cu nan a ricibi for di e asesino K. y tambe melding di su comportacion menazante.

Apesar di e hecho cu nan a haci melding di esaki, segun e famia polis no a tuma medidanan corecto contra esaki.

Pesey e famianan ta bay cumenza un caso di corte di daño y perhuicio, pa daño material y inmaterial cu nan a sufri.

A topa cu muher di 46 año morto den su cas na Wanroij

Ex pareha deteni



WANROIJ: Den un cas na Wanroij (Brabant) polis a encontra un muher morto.

Investigacion ta den full swing, pero polis ta tene cuenta cu e posibilidad grandi cu e muher di 46 año tabata victima di un crimen.

E muher tabata biba den e cas cu su yiu homber.

Mientrastanto un sospechoso a wordo deteni.


Segun polis ta trata di un ex pareha di e muher, un homber di 47 año cu tambe ta biba na Wanroij.

Polis a detene na Duiven.

Na final di atardi diferente servicio di emergencia a bay na e cas, incluyendo un helicopter di ambulans.

Te cu Dialuna atardi ainda no tabata concoci kico exactamente a sosode.

Polis a detene 3 sospechoso despues di pelea na Katwijk



KATWIJK: Na Katwijk (Zuid-Holland) polis Diasabra anochi a dreña den accion, durante un pelea masal.

Na final tres persona a wordo deteni.

Net prome cu mey anochi polis a ricibi un melding cu un pelea a cumenza den un establecimiento di horeca den Badstraat.

Tabata tin alrededor di 100 per-

sona involvi den e pelea.

Polis a bay na e sitio pero asina mes e situacion a keda inkieto, cu diferente confrontacion.

Mirando esaki polis a dicidi di pidi tur hende pa bandona Badstraat.

Nan a haci uso di klop, mientras cu a uza taser riba un persona.

Na final tres persona a wordo hiba warda di polis.

Homber di 21 año deteni pa tiramento fatal na Laak



DEN HAAG: Diadomingo polis a detene un homber di Den Haag di 21 año, relaciona cu un caso di tiramento den cual un homber di Den Haag tambe di 21 año a perde su bida.

Polis a pone man tambe riba e posibel auto cu e homber a uza pa scapa.

E Citroën C1 preto a wordo tuma den beslag pa polis.

E tiramento a sosode den e bario

Laak.

E victima a resulta gravemente herida y a fayece mas laat den hospital.

Diasabra caba polis a duna di conoce cu muy probablemente e sospechoso a scoge su victima intencionalmente.

E sospechoso ta den isolacion completo, segun polis.

Esey ta nifica cu e por tin contacto solamente cu su abogado.

Hopi hende riba pia pa mira e Caminda di Cruz Bibo



ORANJESTAD (AAN): Riba Diabierna Santo, un multitud di hende a acudi na e pia e plenchi dilanti Misa Inmaculata Concepcion na Santa Cruz. Pastoor Jairo a declara cu esaki ta e observacion anual cu Iglesia ta para keto, y reflexiona riba e sufrimento di nos Señor Hesus Cristo. Algo cu a start di comienzo di Cuaresma y a finaliza den e dianan di Semana Santa.

Y esaki a wordo haci riba Diabierna cu un Caminda di Cruz Bibo dilanti e Misa. Esaki ta e dramatizacion di loke a tuma lugar. Pastoor Jairo a splica cu tin biaha ta bon pa laga nos wowonan mira atrobe y laga e inteligencia di cada persona compronde cu tin un hende a sacrifica su bida pa nos, cu su sufrimento, y pesey tin di balora cada dia di nos bida.

Pastoor Jairo a keda satisfecho pa mira con e Caminda di Cruz Bibo aki ta pone hopi hende sali di cas y acudi pa observa y sigui e pasonan di Cristo.

E ta spera cu portanan cera na cas por habri, pa masina start eynan cu un miho bida spiritual, specialmente cerca e generacion nobo! E muchanan tin di wordo siña di e balor y compronde e esencia y importancia di e sacrificio cu Hesus a haci pa tur di nos.

Un palabra di felicitacion na esnan cu a organiza e Caminda di Cruz Bibo, cu e bon direccion, actuacion, make-up, vestuario, y escenario.



SUPER CARD SUPER DEALS



COMFORT CLASS

**Monday
Thursday**

8.00 AWG

**Friday
Sunday**

9.00 AWG

IMAX

10.00 AWG

11.00 AWG

VIP

11.00 AWG

12.00 AWG

**BEST CINEMA AT
THE BEST PRICES!**

Sign up today at any **The Movies** location
and **start enjoying great benefits!**

Gobierno a logra pa esaki socede

Cruz Cora hunto cu partnernan a duna asistencia durante campamento

ORANJESTAD (AAN): Un di e stakeholdernan clave cu a responde inmediatamente na e suplica di Gobierno ta Cruz Cora Aruba (Rode Kruis), cu sin duda a pone extra voluntario riba pia pa asisti durante e dianan crucial. Na Baby Beach, Cruz Cora a instala un post cu ta cla pa duna prome auxilio den cualkier eventualidad di emergencia. Gobierno ta expresa su gratitud na Marla Thiel-Dominguez di Cruz Cora y Presidente di Directiva, Stephen Daal, pa nan disponibilidad pa sirbi comunidad.


Señora Thiel-Dominguez a enfatisa cu Cruz Cora tin dos patruxa cu a opera constantemente: un ta vigila e area entre Santo Largo y Baby Beach, y otro ta keda alerta entre Baby Beach y Zwart Mangel, pasando Santana di Cacho. E esfuerso voluntario aki ta un ehempel di solidaridad y compromiso cu Aruba.

Durante e reunion cu stakeholdernan algun dia prome cu Semana Santa, Gobierno tambe a haci un apelacion na AHATA pa yuda cu ekipo cu



por facilita vigilancia di e zonan mas frecuente. Como resultado di esey, Cruz Cora a haya verrekijkers y dos UTV di huur como donacion for di AHATA. Prome Minister Mike Eman a gradici Tisa LaSorte y AHATA pa nan disposicion y cooperacion continuo pa e bienestar di nos pueblo y nos bishitan-
tenan.

Den luz di e acontecimentonan lamentable cu a tuma luga den e simannan tras di lomba, Prome Minister a indica cu Gobierno lo hiba combersacion cu Cruz Cora, ATA, AHATA y otro instancianan, pa sondea e posibilidadnan pa facilita vigilancia riba beach na forma structural, pa



preveni casonan lamentable tanto pa nos localnan como pa nos huespednan.

Inicio di siman Prome Minister Mike Eman, hunto cu Minister di Turismo Wendrick Cicilia, a yama un reunion cu Strand Politie, KPA, AHATA, ATA y Cruz Cora pa traha un plan di maneho pa e siman di Semana Santa. E siman di campamento ta un periodo di union familiar, pero tambe un periodo cu ta exige preparacion, extra vigilancia y responsabilidad pa garantisar bienestar di tur hende.



Noticia Internacional

INTERNACIONAL

NOTICIA FOR DI VENEZUELA

NURSE A MATA DOS YIU Y DESPUES MATA SU MES

MARACAY: Un crimen lamentabel a keda registra net riba Diabierna Santo na pueblo di Sorocaima III na esta-



do Aragua, den oranan di atardi. Sandra Margarita Pineda Rondón, un nurse di 44 aña di edad a dicidi na mata su mesun dos yiu homber chikito, di 5 y 6 aña door di strangula nan, pa despues e mes kita su bida door di horca su

mes. E casa y tata di e yiu a yega cas banda di 3:30 pm, y a bin topa cu e escena tristo aki. El a haya e dos yiu-nan den un di e cambenan, mientras cu e curpa di su casa a wordo haya den sala colga na un cabuya. E suceso tragico a trece tristeza y dolor fuerte pa henter famia y esnan bibando eybanda, lagando awor hopi hende cu pre-gunta riba e motibonan cu a pone Sandra comete e acto teribel aki. Polis a indica cu nan lo sigui cu e investiga-cion pa haya claridad riba e detayenan aki cu a conmo-ciona henter estado Aragua den fin di siman largo.

SOSPECHO CU EX-HEFE TA INFORMANTE D.E.A.

SARACAS: Fiscal General di Venezuela, Tarek William Saab a duna informacion riba acusacion contra un ex-



Hefe di Polis Cicpc, esta Jesús Itriago, kende ta wordo acusa di cinco delito, entre cual tin traficacion di arma, y tambe di ta un supuesto infor-mante di DEA di Merca. Siman pasa nan a anuncia cu el a wordo deteni. Awor Fiscal General ta muestra cu e ex-Hefe aki a sirbi como operador logistico di e narcotraficante Samer Salaheldin, manehando e rutanen

maritimo pa e trafico for di Higuerote (estado Miranda), y sirbi ademas di informante pa DEA y cu asina e tabatin meta di crea un positivo falso riba estado Venezolano. Samer Salaheldin ta un narcotraficante importante, cu autoridad a detene na un hotel na estado Sucre na Juni 2024, debi na su envolvimento den narcotrafico, labamento di placa, y demas crimen.

MUCHA DI 4 AÑA CU CAIDA FATAL FOR DI PISO #7

CARACAS: Un mucha muhe di 4 aña di edad, identi-fica como Ashly Gabriela Ramirez Bello, a perde tragica-mente su bida ora di a cay for di un bentana di aparta-mento di su mayornan cu ta na Piso #7 na San Agustin del Norte na Caracas. Na prome instante nan a core hibe na Hospital pero unico cu



Doctor por a haci ta constata morto. A core notifica Polis, y unidad di Division di Investigacion di Homicidio di Polis Cicpc a presenta. For di interrogacion y investi-gacion, a bin haya sa cu e mayornan a bandona e aparta-mento lagando e mucha Ashly atras ta drumi den camber. Aparentemente ora cu e mucha a spierta, y a cana rond y no por a haya ningun hende, el a subi y pasa door di un bentana, y di eynan el a cay abao. A base di e hecho cu a laga e mucha su so na cas, Polisnan a detene e mayor-nan Yeisson Omar Ramirez Nieves di 27 aña, y Jeiranyela Gabriela Bello Rojas di 29 aña.

Papa Francisco, lider spiritual y politico di siglo XXI, a fayece

VATICANO: Papa Francis-co a fayece dialuna mainta na edad di 88 aña, Vaticano a confirma den un comuni-cado divulga a traves di su canal oficial di Telegram. E fayecimento a tuma lugar apenas un dia despues cu e pontifice a haci un apari-cion publico for di e balcon di e Basilica di San Pedro durante e celebracionnan di Pasco di Resurreccion, den loke a bira su ultimo dis-curso na mundo.

“Rumannan stima, ta cu profundo tristesa mi mester anuncia fayecimento di nos Santo Tata Francisco,” Cardinal Kevin Farrell a declara, kende a lesa e declaracion oficial di Vaticano. “Awe mainta, pa 7:35 a.m. (05:35 GMT), e Obispo di Roma, Francisco, a regresa na cas di e Tata. Henter su bida ta-bata dedica na e sirbishi di Señor y Su Iglesia.”

Papa recientemente a sali for di un hospitalisacion prolonga despues di a su-fri di pulmonia severo cu a tene hospitalisa pa 38 dia,



te cu dia 23 di maart. Se-gun fuentenan di Vaticano, e tabata den un condicion delicado y a enfrenta dos episodio di salud critico du-rante aña.

A pesar di su recuperacion, Papa a participa brevemente den e misa di Pasco di Resurreccion riba diado-mingo y a dirigi e bendicion tradicional di “Urbi et Orbi” for di e balcon di e basilica, unda el a desea e fielnan un “feliz diadomingo di Pasco di Resurreccion” y a pidi pa “libertad di pensamiento y tolerancia” den su mensahe pa mundo.

Miles di hende a congre-

Vaticano a confirma cu Papa Francisco a fayece despues di a sufri un derame cerebral

VATICANO: “Mi ta certi-fica cu Su Santidad Francis-co (Jorge Mario Bergo-glio), naci na Buenos Aires (Argentina) riba 17 di de-cember 1936, residente na Ciudad di Vaticano, Cuida-dano di Vaticano, a fayece pa 7:35 a.m. riba 21 di april 2025, den su apartamento na Domus Martatic (Vatica-no City), un atake celebral door di coma y un atake cel-ebral: colapso cardiovascu-lar irreversible,” e declara-cion oficial a informa.

Segun e Santa Sede, Papa Francisco a sufri anterior-mente “un episodio anterior di fayo respiratorio agudo cu pulmonia multimicro-bial bilateral; bronkiectasis multiple; hipertension arte-rial; diabetis tipo II; e con-firmacion di morto a wordo haci pa medio di registro electrocardioanatomico.”

“Mi ta declara cu, segun mi conocimiento y creencia, e

causanan di morto ta esnan indica ariba”, ta conclui e carta di Vaticano firma pa Andrea Arcangeli, Direc-tor di e Direccion di Salud y Higiene di Estado di Ciu-dad di Vaticano.

Di otro banda, Vaticano a informa cu Papa a confirma den su testament final cu e kier wordo dera den e Ba-silica di Santa Maria Mag-giore na Roma y “sin deco-racion particular.”

Tambe el a pidi pa su lugar di sosiego wordo inscribi cu su nomber papal na latin: Franciscus.

Papa Francisco ta conclui su deseonan pidiendo: “Cu Señor duna e recompensa mereci na esnan cu a stima mi y lo sigui resa pa mi.”

“Mi a ofrece na Señor e su-frimento cu tabata presente den e ultimo parti di mi bida pa paz den mundo y her-mandad entre pueblonan,” e testament ta conclui.

ga na Plaza San Pedro pa mir’è, despues di simannan di incertidumbre riba su sa-lud. Su presencia a genera un ovacion entre esnan pre-sente y a wordu interpreta como un gesto di forsa spir-itual, a pesar di e efectonan visibel di su malesa.

-E Papa cu ningun hende a spera

Jorge Mario Bergoglio a nace na Buenos Aires dia 17 di december 1936, den un famia di inmigrante pi-emontes. Esun mas grandi di cinco ruman, su tata ta-bata un trahador di trein, su mama un ama di cas.

Rosa, e wela di e futuro Papa, tabata clave den su vocacion. Pa e motibo aki, Bergoglio semper a enfatisa riba e rol fundamental di grandinan den transmision di fe.

El a drenta e seminario di Sociedad di Hesus na edad di 21 aña y a wordo orde-na sacerdote dia 13 di de-cember 1969, diesdos aña despues. Na juni 1973, el a wordo nombra Provincial di e Sociedad di Hesus na Ar-gentina, un posicion cu el a ocupa pa seis aña. Di 1980 pa 1986, el a presidi e Cole-gio Maximo de San Miguel, un centro di universidad je-suita.

E eleccion di Bergoglio ta-bata un sorpresa universal. Pa prome biaha, un Papa cu tabata precedente di e per-iferia. Cu Juan Pablo II, e norma pa pontificenan ita-liano a wordo kibra. Pero e Cardinal Argentino tabata e prome Papa no Europeo y e prome Jesuita.

Jorge Bergoglio, e pontifice cu ningun hende a spera, rapidamente a cautiva un mundo cu te e tempo ey tabata ignorante di dje. El a haci esey cu su humildad y un estilo di comunicacion nobo: un mensahe profundo expresa den un idioma sim-pel y directo. Su homilian-an diario, publico general di diaranson den un Plaza yen, y un pastoor cu a permiti un acercamento constante di fielnan.

Bergoglio ta e prome papa cu ta yama su mes Francis-co – inspira pa e frase “No lubida e pobernan”.

Noticia Internacional

Hefe di Pentagono a comparti datonan militar den un otro chat cu a inclui miembronan di su famia



NEW YORK: Secretario di Defensa di Merca, Pete Hegseth, acusa di a maneja informacion delicado di Gobierno den e asina yama caso 'Signalgate', a comparti datonan militar den un otro chat cu a inclui dos miembro di famia y su abogado personal, segun The New York Times.

Hegseth a comparti informacion relaciona cu bombardeo di 15 di maart di Merca riba e rebeldenan Houthi di Yemen den un chat di aplicacion Signal cu a inclui su casa, Jennifer, su ruman homber, Phil, y su abogado, Tim Parlatore.

E esposa di Hegseth, Jennifer, ta un ex-productor di Fox News, mientras cu su ruman y su abogado tin

posicionnan den Defensa: e prome como consehero y e di dos como comandante di Marina.

E noticia ta sali na cla despues di e polemica relaciona cu e caso "Signalgate" na fin di maart, na unda e Gabinete Mericano a usa un chat di Signal pa intercambia informacion riba e mesun bombardeonan na Yemen, sin realiza cu un periodista a wordo invita erroneamente na e grupo y a publica e combersacionnan.

E escandalo a sacudi e liderazgo di Pentagono: tres funcionario di Consejo Nacional di Seguridad a wordo kita for di trabou y tres consehero di Departamento di Defensa a wordo poni den verlof

administrativo.

E tres conseheronan—Dan Caldwell, Darin Selnick, y Colin Carroll—a wordo acusa di a filtra informacion y a defende nan mes diasabra pasa den un carta publica den rednan social, recordando nan servicio na e pais y afirma cu nan ta compronde "e importancia di seguridad di informacion." E chat di 'Signalgate' a wordo crea pa Consehero di Seguridad Nacional, Mike Waltz, kende erroneamente a inclui e hefe di redaccion di e revista The Atlantic, Jeffrey Goldberg, pero den e caso nobo aki cu ta conoci cu Hegseth mes aparentemente a crea un di dos chat den cual su amigonan cercano a wordo inclui. E di dos combersacion aki a inclui alrededor di un dozijn di persona di e circulo personal y profesional di Hegseth, cu uso di su telefon personal, no un di gobierno, y cu a comparti e eskema di buelo di e avionnan militar cu tabata bay ataca e Houthis, Times ta informa.

Un estudiante arma a mata 2 persona y a herida 6 riba Campus di Universidad di Florida

Un estudiante di Florida State a usa e arma di servicio anterior di su mama, un diputado di sheriff, pa mata dos persona y herida seis, autoridadnan a informa. E yiu homber di 20 aña di un diputado di sheriff a realiza un atake den campus di Florida State University, otro banda di e edificio di e sindicato di estudiante.

Agentenan a yega liher na e lugar y a tira y herida e tirador despues cu el a nenga di cumpli cu ordo, hefe di polis di Tallahassee, Lawrence Revell a bisa. Autoridadnan no a revela ainda e motibo di e atake, cu a cuminsa alrededor di ora di lunch y a causa cu studiantenan a



spanta y nan mayornan a sconde den un bowling alley y un lift di carga den di e edificio.

E tirador, identifica pa polis como Phoenix Ikner, ta un estudiante di Florida State, segun investigadornan. E dos persona cu a fayece no tabata estudiante, hefe di polis di Florida State University, Jason Trumbower, a bisa, agregando cu e lo

no divulga informacion adicional relaciona cu e victimanan.

E hoben tabatin acceso na un arma di su mama, kende a traha na oficina di sheriff pa mas cu 18 aña. Segun informe, el a warda e arma pa uso personal. E universidad a cancela tur les, y Florida State a cancela tur evento deportivo riba schedule.

INTERNACIONAL

NOTICIA FOR DI COLOMBIA

TRES LADRON LAGA TIENDA ELECTRONICS BASHI

CALI: Tres delincuente a drenta den marduga den un Tienda di Electronics na Cali, y den cuestion di algun



minuut nan a logra bay cu tur cos di eyden. Esaki a socede den bario San Vicente na parti nort di Cali. Security video a graba tur cos, incluyendo un di e ladronnan ta cana lomba sunu. Ningun di nan a tapa nan cara, pues

autoridad lo por identifica nan facilmente. Nan a horta monton di Apple iPhone nobo den caha, tambe telefonnan Android, varios smartwatch, earbuds bluetooth, y monton di accesorio, charger, y bateria. Casi tur producto bendi eyden ta di balor grandi. Pero ta hopi raro cu nan tin asina hopi mercancía caro na benta, toch e negoshi no tabatin ningun alarma cu a detecta movimiento. E caso awor ta bao investigacion, y gerencia di e tienda no a duna detaye kico e balor di tur cos horta ta. Si acaso nan tin tur serial number bon warda, incluyendo numbertan IMEI di cada smartphone, nan por percura pa esakinan no por funciona mas. Pues ni maske ladron bende nan, e cumpradornan lo haya un aparato cu no ta sirbi pa nada mas.

TURISTA ALEMAN A HOGE NA LA GUAJIRA

RIOHACHA: El a bin Colombia cu vakantie, y tabata gozando di su dianan den zona rural di municipio di



Dibulla. Pero e turista masculino di 33 aña a hoga na un beach di pueblo di Palomino na departamento di La Guajira. E victima mortal a wordo identifica como Daniel Witte, procedente di

Alemania, kende tabata hospeda den un hostel den e pueblo ey. Polis a bin haya sa cu e turista a sali di su camber banda di 9:30 am y a bay lama. Algun momento despues cu e tabata den lama, el a cuminsa grita pa auxilio, y hendenan eybanda a core drenta awa y yuda sac'e di eyden. E tabata fo'i tino caba e ora ey, y pesey a percura pa el a wordo manda pa Hospital, unda Docternan a purba cu CPR, pero ya no tabata por a haci nada mas.

E DI TRES MUHER CU A PERDE BANDA DI LAMA

CARTAGENA: E desaparicion siman pasa di e estudiante di medicina Tatiana Hernandez Diaz na Cartagena, a



cuminsa haya interes rond henter Colombia, y un buskeda grandi ta ser haci door di autoridad cu ta spera di por hay'e sano y

salvo. E dama di 23 aña procedente di Bogota, coriendo stage na Hospital Naval, a dicidi sali atardi pa bay tuma tiki aire banda di lama y calma su mes. Pero e no a wordo mira mas di e atardi ey. Un turista grabando e atardi aki, a logra capta imagen di e dama aki su so ta mirando leu. Esey ta ultimo imagen cu nan tin awor di dje. Nan a bin haya su sandalia y un tas di dje banda di lama. E caso di Tatiana a trece hende bek riba dos dama mas cu a desaparece banda di lama, esta Karina Cabarcas Peñaña y Alexandrith Sarmiento Arroyo, kendenan nunca mas a wordo haya. Tur e tres casonan aki di 3 muher perdi banda di lama, te cu awor ta un misterio.

Pa chica Pos - Habri tuberia y wc.
Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
haye atardi! Set di sala, tv
chair, sienta auto.
Tel: 565-5577
Macapruimstraat # 1L

WASMACHINE
Ta drecha wasmachine,
dryer, stoof, forno. Ta
drecha, service y instala
airco. Tel: 742-2518.
Ta drecha na cas mes.

SUSHI
Nos ta lanta sushi di cura
lage limpi limpi mane un
soño. Pa solamente 50,- y
Ecotech ta apart. Yama nos
na 592-5766 of 561-5179
Arubiano trahado.

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccion di cas
y apto bon prijs. Free quotation.
Tel: 561-2137

DIRECTV
A miho T.V. na Aruba,
movies, sports, kids,
news & more.
Yama awo cel: 733-5762
DirecTV cambia bo vida

TA CHAPI
Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

NOS TA CLA PA YUDABO
YAMA AWO
Roof repair, welding new and
repair, painting industrial,
painting house, building,
carpentry new and repair, all
around maintenance. Call now
743-8155 di 8'or pa 5'or pm.

ASSOCIATED REALTORS
TA BENDE
Un cas di 4 camber y 1.5 baño
mas un apto na Rooi Kochi,
construi 208 m²,
tereno propiedad di 986 m²
y pa Afl.570.000,-
Yama Mito na 593-6318

ASSOCIATED REALTORS
TA HUUR
Un apartamento espacioso di
2 camber y 1 baño den Pavia
Country Club, exclui
utilidadnan y pa Afl.1.750,00
pa luna mas un luna borg.
Yama Mito na 593-6318

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Programa Santa Rosa ta informa ta bek den aire



ORANJESTAD (AAN): Hopi ta esnan cu keto bai ta duna elogio cu ainda mira programa di Departamento di Agricultura, Cria y Pesca, Santa Rosa riba television. Programanan anterio keto bai ta wordo ripiti y keda bay ta keda cay den bon tera serca e

televidentenan a traves di Telearuba Canal 13.

Awor despues di algun tempo di ausencia a dindi di duna inicio na programanan nobo di "Santa Rosa ta Informa" un biaha mas a traves di Telearuba. Den un palabracion recien cu Telearuba NV a yega na un acuerdo pa duna fecha y dia di e prome edicion. Esaki lo bay ta riba Diaranson 23 di April pa 7'or di anochi a traves di Telearuba Canal 13.

Den e prome edicion aki lo bo bai sera conoci cu sra. Rachelle Peterson kende ta un productor di diferente tipo di mushroom aki na Aruba. Lo conta su experiencia y pasion pa cu esaki. Con ela educa su mes y desaroja positivamente den

cultivo di mushroom. E programa lo bai continua tambe riba tur diaranson anochi pa 7'or pa 6 luna di periodo. Esaki lo ta un total di 12 programa cu lo bai wordo produci pa Departamento di Agricultura, Cria y Pesca Santa Rosa hunto cu Telearuba Canal 13.

Lo bo bai admira 15 minut di programacion cu entrevista cu nos productor nan local. Conoce kico ta wordo produci riba e dushi suelo di Aruba. Un poco di historia con cierto productornan a cuminsa den e mundo aki. Kico lo ta nan meta y estimulacion pa continua den e esaki. Seccionnan informativo y educativo den nos programa cu no por falta.

Ministro Geoffrey Wever a reuni cu grupo di agricultor comercial



ORANJESTAD (AAN): Diaranson mainta Minister Wever a reuni cu algun agricultor comercial; Aruba 297 Farm VBA, Cunucu Fresh y STR Agriculture.

Durante e reunion cu e agricultornan a intercambia di diferente ideanan, experencianan y sugerencianan. Minister Wever na su turno a comparti su vision pa e sector di agricultura comercial na Aruba. Parti di Minister Wever su vision ta pa haci Aruba mas resiliente pa fac-

tornan externo relaciona cu seguridad di cuminda pa nos hende nan.

Asina aki ja caba tin investigacion adando door di instancia Hulandes, PRIVA, cu ja a termina su prome rapport pa loka ta trata e construccion di un Agri Inovation Park. Pa logra esaki mester sinta hunto cu stakeholders y asina hunto cu tur informacion colecta implementa un plan strategico pa seguridad alimentacion.

Minister Wever a informa e agricultornan cu lo bay haci lo maximo esfuerso pa alivia nan di e contratiemponan cu nan por tin awo a corto plaso, pero tambe a largo plaso. Esaki tur den cuadro pa fortalece Aruba su "Food Security", promove innovacion y asina crea un agricultura comercial sostenibel.

Minister Wever ta gradici representante nan di 297 Farm VBA, Cunucu Fresh y STR Agriculture pa nan bishita y informacion cu nan a comparti. Lo reuni den futuro atrobe pa asina monotor e avancen nan haci.

KLAMALU INFRA & CONSTRUCTION VBA

TA BUSCA "TUINMAN"

POR YAMA NA TEL: 594-0014

TA DRECHA

Wasmachine, dryer, frigidaire, freezer, airco y service. Ta drecha e na cas. Tel: 742-4616 / 567-3634

Oracion pa awe:

SEÑOR, laga mi mirada bira un experiencia di alegria na ora nos ta papia di fe. Hopi cos mi tin cu siña ainda mientras mi ta sigui e caminata aki. Haci mi speransa constante di mira Bo den cada skina di mi bida.

AMEN.
G.C.P.A



Aurora
Royal Pray
Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Señor ta mi wardador, mi'n tin falta di nada; Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".

Salmo: 23

Na number di famia Robles de Medina nos ta anuncia fayecimento di nos ruman, tanta, prima, cuña, madrina, bisniña, Heko, Jufrouw y boluntariodi Kibrahacha:



Irene Vera Robles de Medina

***05-01-1927 - †14-04-2025**

Nos ta invita famia, amistades, conocirnan, bon bisiñanan pa e acto di despedida cu lo tuma lugar diaranson 23 di april 2025 di 9:30 am pa 12:00 pm na Aurora Funeral Home.

Acto di cremacion ta tuma lugar den seno di famia.

Entrega di normanan di conducta apropiada na Minister President

ORANJESTAD (AAN): Recientemente Ombudsman señora Jurima Bryson a otorga e Behoorlijkheidswijzer na minister-president Mike Eman. E Behoorlijkheidswijzer ta un manual cu tin e normanan di conducta apropiada di Ombudsman di Aruba.

E normanan di con-

ducta apropiada a worde publica e luna aki riba paginan di social media di Ombudsman pa pueblo tambe tin acceso na e normanan cu ta forma e base pa e trabao di nos Ombudsman. Ora un keho worde entrega na Ombudsman of Ombudsman haci investigacion riba su propio iniciativa,

Ombudsman lo evalua si un of mas di e normanan a worde viola.

Despues di e publicacion online di nos normanan di conducta apropiada pa nos comunidad, minister-president a haya e prome copia di e Behoorlijkheidswijzer, cu señora Bryson a entrega personalmente na su per-



sona.

Despues di e entrega oficial, señora Bryson a haya e oportunidad pa elabora riba e 22 normanan. Tambe señora Bryson a duna minister-president un relato di e tareanan cu a worde conclui e ultimo lunanan y esunnan cu ta plania pa e periodo nos dilanti cu e meta pa yega na e momento unda lo bay habri porta di Bureau Ombudsman.

Durante e encuentro tur dos partido a comparti pensamiento pa cu con comunidad di Aruba lo por beneficia optimalmente di un Ombudsman, un instituto independiente cu lo bay supervisa cu e normanan di conducta apropiada ta worde aplica cerca e institutonnan cu ta cai bou di mandato di Landsverordening Ombudsman (LvO). Oficina di Ombudsman Aruba kier informa cu nan lo mantene pueblo na altura di e ultimo desaroyonan y encuanto e apertura oficial di bureau.


Pa por keda na altura di e ultimo desaroyonan, por bishita tambe e paginan di Facebook 'Ombudsman Aruba', Instagram 'ombudsmanaruba' y LinkedIn 'Ombudsman Aruba'. Por ehempel, al momento riba nos paginan di social media tur 7 vacatura di Bureau Ombudsman ta disponibel.



Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Anuncio di acuerdo cu deseo di e fayecida;

A fayece:



Thalia Amelyn Croes-Wiersma
Apeldoorn, April 17, 2025.

Thalia a nace dia 8 di september 1965 na Aruba

Despues di 41 aña biba y traha na Apeldoorn, Hulanda, caminda e despedida lo tuma lugar.

Vuida di Harold Francis Croes Wiersma
Mama di Maruggia Efresilda Francin Warnaars-Croes
Wela di Kiano Giani Warnaars-Croes
Nuera di Efresilda (Chichi) Croes-Yarzagaray
Thalia su amigo nan na Hulanda, den bon y malo:

Anita y Mark Hullegrie-Strijk y yiu Laura, Liesbeth Schimmel y yunan Dani y Rebecca, Petra de With y yunan Tamara y Patrick, Janny van Wermeskerken, Erik y Sylvia van de Loodrecht-Koa, Will Yvonne y Cyril Huijter Janssen, Dorothy Rijken, Hecto y Laurinda Thyssen, Rinja Clasquen-Bouwer

Aruba:

Su único ruman; Randolph Anthony Wiersma y casa

Subrina nan na Curacao y Aimere;

Jesra, Xuan Wiersma y Alea, Prof. Jasmira Wiersma

Iha: Edward Tromp

Su tanta nan na bida; Iris Maalste, Magda Steenen, Luvia Wiersma

Demas famia; Wiersma, Muyale, Reinen, Steenen, Croes, Maalste

Famia Van Stee, Rosa Kelly-Yarzagaray, Lilian van der Biezen y yunan, Maria Gei y yunan.

Di acuerdo cu Thalia su deseo, fecha y ora di despedida no ta wordo anuncia.

Acto di despedida lo tuma lugar den seno intimo y priva,.



Directiva di Sindicato TOPA

Trahadornan Organiza di Sector Publico di Aruba

Ta extende nos mas sincero condolencia na famia di

“Sra. Flora Rozenberg”

Na bida miembro di Sindicato TOPA

Cu Dios duna su famia hopi forza na e momento dificil aki.

Cu "Flora" sosega na paz




Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

Gradicimento y Invitacion

Na number di famia nan nos kier a gradici cada un cu a tuma nan tempo pa a bin dispidi di nos ser stima:

Francisco E. Semeleer
“Frans”



Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico. Tambe na Aurora Funeral Home pa cu su bon servicio y atencion.

Ta invita pa asisti na 3 Santo Sacrificio di misa cual lo tuma lugar

Diasabra 19 di April 2025 pa 7 pm na Misa Sta Anna

Diadomingo 20 di April 2025 pa 7:30 am na Misa Sta Anna

Diamars 22 di April 2025 pa 5:30 pm na Kapel di Alto Vista

Bo(so) presencia lo ta altamente aprecia.



**THIS KING'S WEEK
WE'VE GOT YOU!**

**UP TO
50%
OFF**

CONDITIONS APPLY. PROMOTION RUNS APRIL 23 – 26, 2025.

